

ՍՅՈՒՆՅԱՑ ԳԱՀԱԿԱԼ ԻՇԽԱՆՆԵՐԻ ԱՐԵՎԻՔԻ ՃՅՈՒՂԸ*

ԱՇՈՏ ՄԱՆՈՒՉԱՐՅԱՆ

Բանալի բառեր՝ Սյունիք, Արևիք, Մեղրի, գահակալ, իշխան, եկեղեցի, խաչքար, վիմագիր:

Ամփոփում

ՀՀ Սյունիքի մարզի Մեղրու տարածաշրջանում վիմագրագիտական հավաքչական գործունեության, չրջագայությունների ընթացքում ընդօրինակված արձանագրությունների շարքում առանձնանում են X դարի առաջին կեսի չորս խաչքարային հիշատակագրություններ, որոնցում, ըստ էության, հիշատակվում են Սյունյաց լեռնաշխարհի պատմական Արևիք գավառի գահակալ իշխաններ: Նրանց մասին պատմագիրները լռում են:

Նախաբան

«Որտեղ լռում են պատմագիրները, այնտեղ աղաղակել են սկսում վեմերը»¹, – տնտեսագետ, հայագետ, պատմաբան Թադևոս Ավդալբեգյանի այս դիպուկ արտահայտությունը, կարծես, վերաբերում է ներկայացվող նյութին: Մեղրու տարածաշրջանում Արևիք պատմագավառում, զարգացած միջնադարի վաղ փուլում (IX–X դդ.) գործած Սյունյաց իշխանների մասին, որքան էլ տարօրինակ է, պատմիչները լռում են, նախևառաջ՝ Սիսական աշխարհի պատմագիր Ստեփանոս Օրբելյանը: Լռության պատճառը, հավանաբար, նախընթաց մատենագրական տեղեկությունների բացակայությունն է, նաև վիմագրերին պատշաճ ուշադրություն չդարձնելը, թեև Օրբելյանը համարվում է առաջին պատմագիրը, ով որպես սկզբնաղբյուր օգտագործել է վիմական հիշատակագրությունները: Չենք կարծում, թե Սյունյաց մետրոպոլիտ, Հայոց Մեծաց պոտոֆրոնտէս² Ստ. Օրբելյանը չի չրջագայել Արևիք գավառում. դեռևս Սսի

* Ներկայացվել է 05. XI. 2025 թ., գրախոսվել է 11. XI. 2025 թ., ընդունվել է տպագրության 17. XI. 2025 թ.:

© Հեղինակ/ներ, 2025: Հասանելի է Creative Commons Attribution 4.0 Licence-ին համապատասխան:


¹ Ավդալբեգյան. 1927, 34:

² Պոտոֆրոնտէս նշանակում է «Նախաթու պատրիարք» (Մալխասեանց. 1945, IV, 121), «առաջին աթոռակալ, եպիսկոպոսապետ» (Օրբելյան. 1986, 8): Ստ. Օրբելյանը, 1286 թ. եպիսկոպոս ձեռնադրվելով Կիրիկիայում, միաժամանակ ստանում է պոտոֆրոնտեսի կարգավիճակ, որով իրավունք է ձեռք բերում Բուն Հայաստանում Ամենայն Հայոց կաթողիկոսի անունից կատարելու եպիսկոպոսական ձեռնադրություններ, որպեսզի վերջ տրվի այն արգահատելի երևույթին, երբ տեղի հոգևորա-

1243 թ. Բ կանոնական ժողովի ԺԲ կանոնով թեմակալ եպիսկոպոսը պարտավոր էր տարին երկու անգամ շրջել իր թեմում³: Կարծում ենք՝ Ստ. Օրբելյանի աչքից պարզապես վրիպել են ներկայացվող վիմագրերը:

Արևիք գավառի Հայտնի առաջին գահակալը

Պատմաբան Հայկարամ Ութմազյանի մակաբերած Սյունիքի ինքնուրույն գահակալ իշխանների հինգ ճյուղերին⁴ ժամանակներ առաջ հավելել ենք վեցերորդը՝ Արևիք գավառին⁵: Որպես կույան ներկայացրել էինք Մեղրու Վանք գյուղի 1554 թ. վերականգնված Ս. Ստեփանոս եկեղեցու արևելյան պատի հարավային անկյունում արտաքուստ թեքությունով ազդեցված հետևյալ խաչքարի արձանագրությունը:



ԹՎԻՆ՝ :ՅԾԱ: (902), / Զ ՏՐ ՍՆ/ՊԱՏ ԻՇԵՑ/ԵՔԶ:

Թվականի տասնավորը կիսաեղծ է: Գրել ենք նաև, որ «Առաջին Հայացքից թվում է, թե Մնպատը (Սմբատը) հոգևորական է, քանի որ նրա անունը պատվի է արժանացած Տէր բառով: Բայց դա այդպես չէ»⁷: Հիշյալ ժամանակներում Տէր պատվանվամբ աղբյուրներում հիշատակվում են թեմակալ առաջնորդները և ըստ Հ. Ութմազյանի՝ գահակալ իշխանները⁸, հետևապես Տէր Մնպատը Արևիք գավառի գահակալ իշխանն է: Հիրավի, Տաթևի վանքի 839–881 թթ. բոլոր կալվածագրերում, ինչպես նշել ենք⁹, Տէր պատվանունով հանդես են գալիս միայն թեմական առաջնորդ եպիսկոպոսները (Տէր Դաւիթ, Տէր Սողոմոն) և մի շարք իշխաններ¹⁰: Նաև նշել ենք՝ «Ինչ վերաբերում է առուծախի ու նվիրատվությունների վկա հոգևորականներին, ապա նրանք բոլորն անխտիր վերոհիշյալ կալվածագրերում հիշատակվում են միայն իրենց հոգևոր կոչումներով՝

կանները, պատճառ բռնելով Կիրիկիայի հեռավորությունը, տարածաշրջանում պարբերաբար ծագող ուղղմական բախումների հետևանքով ճանապարհների անվտանգությունը, երբեմն գնում ու եպիսկոպոս էին ձեռնադրվում Աղվանից Հայրապետից, և որ ավելի վատթար է՝ Աղթամարի բանադրված քահանայապետից:

³ Օրմառեան. 2001, Բ, 1904:

⁴ Ութմազյան. 1958, 26–27:

⁵ Մանուչարյան. 2015, 57:

⁶ Մանուչարյան. 2015, 57:

⁷ Մանուչարյան. 2015, 57:

⁸ Ութմազյան. 1958, 152:


⁹ Մանուչարյան. 2015, 57:

¹⁰ Օրբելյան. 1910, 205–210, 216:

երէց, աւագերէց, քահանայ, վանական, հայր (վանահայր), քորեպիսկոպոս՝ առանց «տէր» անվանապատկի»¹¹:

Ենթադրելի է, որ 906 թ. Տաթևի վանքի Ս. Պողոս-Պետրոս եկեղեցու նավակառուի մասնակից Հայոց թագավոր Սմբատ I Բագրատունին (890–914) Մեղրաձորի Կարճավան մեծ ավանը (ներկայիս Կարճևան գյուղը) գնել է ու նվիրել հիշյալ մենաստանի կաթողիկեին¹² Արևիք գավառի գահակալ իշխան այս Սմբատից:

Սմբատը երկրորդ անգամ հիշատակվում է Լիճքվազ գյուղատեղիում, որտեղ մի խաչքարի վերնամասում պահպանվել է մեկ տող թերի արձանագրություն.




ՅԿ (911) ՍՄՊԱՏ ՅԱ ...¹³:

Արձանագրությունն ամբողջությամբ կարելի է վերականգնել հետևյալ կերպ.

ՅԿ (911), ՍՄՊԱՏ, ՅԱՂԱԻԹՍ ԻՇԵՑԷՔ Ի ՏՐ՝:

Սմբատին հաջորդած գահակալ իշխանները

Վանք գյուղում գտնվում է Սմբատին Արևիքի գահակալի պաշտոնում հաջորդած իշխանի խաչքարը՝ Ս. Ստեփանոս եկեղեցի տանող ճանապարհի ճախ եզրին¹⁴.



ԹՎԻՆՆ ԶԱՅՈՑ ՅԿ/Է (918),
/ ՋՏՐ ՎԱՀԱՆ / ԻՇԵՑԷՔ՝:

¹¹ Մ ա ն ո լ չ ա ղ ա ն. 2015, 57:


¹² Օ Ր Բ Է Լ ե ա ն. 1910, 210:

¹³ Ա բ բ ա հ ա մ յ ա ն. 2021, № 16, 16:

¹⁴ Խաչքարը տեղում մեզ ցույց է տվել պատմաբան, Մեղրու տարածաշրջանի հնությունների հմուտ գիտակ Նաիրա Հայրապետյանը, որին հայտնում ենք մեր խորին երախտագիտությունը:

երկու դեպքում էլ ՅԻՇԵՑԷՔ ճիշտ ձևի փոխարեն վերականգնել ենք՝ ԻՇԵՑԷՔ՝ հավատարիմ մնալով տեղի գրչական առանձնահատկություններին:

Վերոհիշյալ Լիճքվազում է գտնվում հետևյալ խնդրակատար խաչքարը (գյուղատեղիի կենտրոնից կես կմ արևելք՝ դաշտի մեջ)՝ 11 տող արձանագրությամբ:



ՅՂ (941) ՀԱՅՈՑ : / ԳԹԱՏՈՒ, / ԶՇԱՄ / ՏՂԻԿԻՆ /
Զ ՏՆ ՎԱՍԱԿԱ ԱՄՈՒՍԻՆ, ՅԱՂԱԻԹՆ ԻՇԵՑԷՔ:



Այս արձանագրությունն ավելի վաղ հրատարակել է է. Աբրահամյանը՝ աղճատումներով¹⁵:

Արձանագրությունն արժեքավոր է նաև նրանով, որ առաջին անգամ հիշատակվում է Արևիքի իշխանուհին՝ տիկին Շամը: Տիկնոջ անունը՝ Շամ, կարծում ենք, ծագում է արաբերեն «աշամ»՝ شام բառից, որ նշանակում է «հպարտ»¹⁶:

Եզրակացություն

Արևիք գավառի գահակալ իշխաններից առայժմ նշվածներն են հայտնի՝ Սմբատ (902, 911), Վահան (918), Վասակ (941). բոլորն էլ X դ. առաջին կես: Ենթադրում ենք, որ նրանք եղել են հայր, որդի, թու: Ուշադրության արժանի է այն փաստը, որ երեքն էլ կրում են Սյունյաց իշխանների անուններ: Դա էլ պատահականություն չէ, քանի որ սերում են Սյունյաց մեծ նահապետ Վասակից:

Այս շրջանում Արևիքի գահակալների իշխանանիստը Թաղամայրին (Թաղամիր) էր¹⁷ (գտնվում է Վանք գյուղից 3 կմ արևմուտք), քորեպիսկոպոսանիստը՝ Վանքը, Լեհվազը, հնարավոր է՝ ամառանոցը: Այդ ժամանակ Մեղրու բերդը ղեկավարում էր:

¹⁵ Աբրահամյան. 2021, № 16, 16:

¹⁶ Баранов. 1977, 415.

¹⁷ Թաղամիր ստուգաբանվում է՝ «Թաղ» + «ամիր» (ամիր՝ արաբ. «իշխան» - أمير) = Իշխանաթաղ (տե՛ս Մանուչարյան. 2015, 58):

Աշոտ Մանուչարյան – պ. գ. թ., դոցենտ, ՀՀ ԳԱԱ Հնագիտության և ազգագրության ինստիտուտի վիճակագրության բաժնի ավագ գիտաշխատող: Գիտական հետաքրքրությունները՝ վիճակագրագիտություն, Միջնադարյան Հայաստանի քաղաքական պատմություն, Հայոց եկեղեցու պատմություն: Հեղինակ է 8 գրքի և շուրջ 90 հոդվածի: ORCID:0009-0007-7783-8580.
ashot.manucharyan.1959@mail.ru

ԳՐԱԿԱՆՈՒԹՅՈՒՆ

- Աբրահամյան Է. 2021, Լիճքվագի հուշարձանները. – «Վարձք», № 16, էջ 14–17:
- Ավդալբեգյան Թ. 1927, Մի գաղտնիք հայ վիճական արձանագրության մեջ ու նրա նշանակությունը Հայաստանի տնտեսական զարգացման պատմության համար, Երևան, ՀԽՍՀ ԳԱ հրատ., 34 էջ:
- Մալխասեանց Ստ. 1945, Հայերեն բացատրական բառարան, IV, Երևան, ՀՍՍՌ Պետհրատ, 646 էջ:
- Մաղաքիա արքեպիսկոպոս Օրմանեան. 2001, Ազգապատում, հ. Բ, Ս. Էջմիածին, Մայր Աթոռի հրատ., 1871–3894 պլոն:
- Մանուչարյան Ա. 2015, Վիճագրերը որպես Հայաստանի քաղաքական պատմության սկզբնաղբյուրներ (IX–XIV դդ.), Երևան, ԵՊՀ հրատ., 240 էջ:
- Պատմութիւն նահանգին Սիսական, արարեալ Ստեփաննոսի Օրբէլեան արքեպիսկոպոսի Սիւնեաց. 1910, Թիֆլիս, Ելեքտրաշարժ տպ, Օր. Ն. Աղանեանցի, 618 էջ:
- Ստեփանոս Օրբելյան. 1986, Սյունիքի պատմություն (թարգմ., ներած. և ծանոթագր. Ա. Ա. Աբրահամյանի), Երևան, «Սովետական գրող», 616 էջ:
- Ուրմազյան Հ. 1958, Սյունիքը IX–X դարերում, Երևան, ԵՊՀ հրատ., 380 էջ:
- Баранов Х. К. 1977, Арабско-русский словарь. М., изд. «Русский язык», 944 с.

АРЕВИКСКАЯ ВЕТВЬ СЮНИКСКИХ ПРЕСТОЛЬНЫХ КНЯЗЕЙ

АШОТ МАНУЧАРЯН

Резюме

Ключевые слова: Сюник, Аревик, Мегри, престольный, князь, церковь, хачкар, надпись.

В результате проведенных исследований к пяти ветвям правящих престольных князей Сюника нами была добавлена шестая – ветвь князей провинции Аревик. Основанием для этого послужила надпись на хачкаре, установленном в южном углу восточной стены церкви Св. Степаноса в селе Мегри Ванк, отреставрированной в 1554 году. В этой надписи, датированной 902 годом, упоминается «Владыка Смбат». Согласно исследованиям и купчим Татевского монастыря 839–891 годов, на данном историческом отрезке титул «Владыка» носили епархиальные епископы и престольные

князя. Тот же Смба́т упомянут на хачкаре, датированном 911 годом и установленном в сельской местности Личкваз в Мегринском регионе.

В селе Ванк имеется еще один хачкар 918 года, на котором указан «Владыка Ваган». А в Личквaze находится великолепный хачкар 941 года в память о «Владыке Васак». Надпись примечательна тем, что в ней отмечена княгиня Шам провинции Аревик. Полагаем, имя Шам происходит от арабского слова «ашамм» أَشَمَّ, означающего «гордый».

Итак, приведем перечень престольных князей провинции Аревик: Смба́т (902, 911), Ваган (918), Васак (941). Все они наречены именами сюникских князей и, возможно, являются представителями одного рода – отцом, сыном и внуком.

В этот период княжеским центром Мегринской провинции был Тагамир, расположенный в 3 километрах к западу от села Ванк, название которого этимологически восходит к армянскому слову «таг» («околоток») и арабскому слову «ами́р» - أمير – «князь». Духовным центром провинции Аревик было село Ванк.

Ашот Манучарян – к. и. н., доцент, старший научный сотрудник отдела эпиграфики Института археологии и этнографии НАН РА. Научные интересы: эпиграфика, политическая история средневековой Армении, история Армянской церкви. Автор 8 книг и около 90 статей.

ORCID: 0009-0007-7783-8580. ashot.manucharyan.1959@mail.ru

AREVIK BRANCH OF THE SYUNIK THRONAL PRINCES

ASHOT MANUCHARYAN

Summary

Keywords: Syunik, Arevik, Meghri, throne, prince, church, khachkar, inscription.

In the result of the conducted research, we added the sixth branch to the five ones of the ruling royal princes of Syunik – branch of princes of the province of Arevik. The basis for this was the inscription on the khachkar installed in the southern corner of the eastern wall of the Church of St. Stepanos in the village of Vank restored in 1554, Meghri region. This inscription, dated 902, mentions “Lord Smbat”. According to the research and purchase contracts of the Tatev Monastery for the period from 839 to 891, the title of “Lord” was borne by diocesan bishops and throne princes. The same Smbat is mentioned on the khachkar, dated 911, which was erected in the rural area of Lichkvaz in the region of Meghri.

In the village of Vank, there is another khachkar from 918, with the mention of “Lord Vahan”. And in Lichkvaz there is a beautifully carved khachkar from 941 in the memory of “Lord Vasak”. The inscription is also notable for its

mention of Princess Sham of the Arevik province. We believe that the name Sham comes from the Arabic word “ashamm” أَشَمَّ, which means “proud”.

Thus, we have the following line of throne princes of the province of Arevik: Smbat (902, 911), Vahan (918), Vasak (941). All of them were named after Syunik princes and, possibly, were representatives of the same family- father, son, and grandson.

During this period, the princely center of the Meghri province was Taghamir, located three kilometers to the west of the Vank village, the name of which etymologically comes from the Armenian word “tagh” (“neighborhood”) and the Arabic word “amir” - أمير - “prince”. The spiritual center of the Arevik province was the village of Vank.

*Ashot Manucharyan – Candidate of Historical Sciences, Associate Professor, Senior Researcher at the Institute of Archeology and Ethnography of NAS RA. Scientific interests: epigraphy, political history of medieval Armenia, history of the Armenian Churches. Author of 8 books and about 90 articles.
ORCID:0009-0007-7783-8580. ashot.manucharyan.1959@mail.ru*